



### ხელშეკრულება № \_\_\_\_\_

ქ. ბათუმი

201 \_\_\_\_\_ წ.

ჩვენ ქვემოთ ხელისმომწერნი, ერთის მხრივ შპს „ბათუმის ნავიგაციის სასწავლო უნივერსიტეტი“ (მისამართი: მახინჯაური, თამარ მეფის გამზირი №38), წარმოდგენილი მისი რექტორის პროფ. პარმენ ხვედელიძის სახით (შემდგომში – სასწავლო უნივერსიტეტი), და მეორეს მხრივ მოქალაქე: \_\_\_\_\_ (მცხოვრები მისამართზე: \_\_\_\_\_

\_\_\_\_\_ ტელ. ნომერი: \_\_\_\_\_ (შემდგომში „პროფესიული სტუდენტ“); ვდებთ წინამდებარე განათლების მომსახურების ხელშეკრულებას შემდეგზე:

1. ამ ხელშეკრულების საფუძველზე მხარეთა შორის ურთიერთობები, მხარეთა უფლებები და მოვალეობები რეგულირდება საქართველოს მოქმედი კანონმდებლობით, საკუთრივ ამ ხელშეკრულებით, სასწავლო უნივერსიტეტის შინაგანაწესით, ქვეყნის და სასწავლო პროცესის მარეგულირებელი დებულებებით/წესებით და სხვა სხვა შიდასაუნივერსიტეტო აქტებით გათვალისწინებული პირობების დადგომისას, მხარეები ხელმძღვანელობენ საქართველოს მოქმედი კანონმდებლობით;
2. გამომდინარე იმ გარემოებიდან, რომ პროფესიულ სტუდენტს აქვს საქართველოს კანონმდებლობის შესაბამისად სასწავლო უნივერსიტეტში პროფესიული განათლების შესაბამისი საფეხურის პროფესიულ საგანმანათლებლო პროგრამაზე (შემდგომში - საგანმანათლებლო პროგრამა) სწავლის უფლება, წინამდებარე ხელშეკრულების საფუძველზე უკვე თავს სასწავლო უნივერსიტეტს განათლების სფეროში მომსახურებას, ხოლო სასწავლო უნივერსიტეტი კანონმდებლობით დადგენილი წესით მინიჭებული უფლების საფუძველზე ამ ხელშეკრულებით შეთანხმებული სწავლის საფასურის გადახდის სანაცვლოდ გაუწევს პროფესიულ სტუდენტს განათლების მომსახურებას;
3. სასწავლო უნივერსიტეტი ვალდებულია კანონმდებლობით დადგენილი წესით მიანიჭოს პირს პროფესიული სტუდენტის სტატუსი და ჩარიცხოს იგი პროფესიულ საგანმანათლებლო პროგრამაზე

დასახელება პროფესიული განათლების საფეხურის მითითებით

\_\_\_\_\_ შექმნას განათლების მისაღებად ყველა პირობა (სათანადოდ და საგანმანათლებლო პროგრამის მოთხოვნათა შესაბამისად სასწავლო პროცესის განხორციელება, პროგრამის შესაბამისი ადამიანური და მატერიალური რესურსები, სასწავლო უნივერსიტეტის მატერიალურ-ტექნიკური ბაზა, ბიბლიოთეკის ფონდები, საინფორმაციო საშუალებები და სხვ.); საქართველოს კანონმდებლობის შესაბამისად უზრუნველყოს პროფესიული სტუდენტის ცონის და უნარების ობიექტური შეფასება, პროფესიული სტუდენტის პერსონალური მონაცემების დასაცა და კანონმდებლობით მინიჭებული უფლებების განხორციელება; ხელშეკრულების ხელმოწერამდე და ხელმოწერის შემდეგ მისცეს პროფესიულ სტუდენტს საშუალება ნებისმიერ დროს თავისფლად გაეცნოს ამ ხელშეკრულების შემადგენელ ნაწილად მითითებულ დოკუმენტებს, სასწავლო უნივერსიტეტში მოქმედ ცონის შეფასების სისტემას და სასწავლო პროცესის ორგანიზებასა და წარმართვასთან დაკავშირებულ ნორმებს/შედასაუნივერსიტეტო აქტებს; ამ ხელშეკრულების შემადგენელ ნაწილად მითითებულ და სხვა შიდასაუნივერსიტეტო აქტებში ცვლილებების შეტანის შემთხვევაში უზრუნველყოს ინფორმაციის საჯაროობა და ხელმისაწვდომობა სასწავლო უნივერსიტეტის ოფიციალურ ვებგვერდზე [www.bntu.edu.ge](http://www.bntu.edu.ge) და/ან საინფორმაციო დაფაზე ინფორმაციის განთავსებით; პროფესიული სტუდენტის მიერ საგანმანათლებლო პროგრამით დადგენილი მოთხოვნების შესრულებით პროფესიული კვალიფიკაციის მინიჭებისთვის აუცილებელი კრედიტების დაგროვების შედეგად მიანიჭოს კურსდამთავრებულს შესაბამისი საგანმანათლებლო პროგრამით გათვალისწინებული პროფესიული კვალიფიკაცია და გასცეს აღნიშნულის დამადასტურებელი დოკუმენტი - კანონმდებლობით დადგენილი ფორმის პროფესიული დიპლომი და დიპლომის დანართი; სრულად და ჯეროვანად შეასრულოს ამ ხელშეკრულების პირობები;

4. სასწავლო უნივერსიტეტი უფლებამოსილია მოსთხოვოს პროფესიულ სტუდენტს ამ ხელშეკრულებით ნაკისრი ვალდებულებების სრული და ჯეროვანი შესრულება, ამ ხელშეკრულებაში დადგენილი წესით და ოდენობით სწავლის საფასურის გადაუხდელობის შემთხვევაში პროფესიულ სტუდენტს შეუჩეროს პროფესიული სტუდენტის სტატუსი, მოსთხოვოს მიყენებული ზიანის ანაზღაურება; საქართველოს კანონმდებლობის დაცვით დაამუშაოს პროფესიული სტუდენტის პერსონალური მონაცემები; ცალმხრივად შეიტანოს ცვლილებები/დამატებები ამ ხელშეკრულების შემადგენელ ნაწილად მითითებულ და სხვა შიდასაუნივერსიტეტო აქტებში გონივრულ ვადაში ინფორმაციის ხელმისაწვდომობის უზრუნველყოფის პირობით; მოსთხოვოს პროფესიულ სტუდენტს ამ ხელშეკრულების შემადგენელ ნაწილად მითითებული დოკუმენტების, სასწავლო პროცესის ორგანიზებასა და წარმართვასთან დაკავშირებული ნორმების/წესების შესრულება; საქართველოს კანონმდებლობის დაცვით ამ ხელშეკრულების შემადგენელი ნაწილის - შინაგანაწესით გათვალისწინებულ შემთხვევებში პროფესიულ სტუდენტს შეუჩეროს, ადადგინოს ან შეუწყვიტოს პროფესიული სტუდენტის სტატუსი; შეცვალოს/გააუქმოს საგანმანათლებლო პროგრამა პროფესიული სტუდენტის წინასწარი ინფორმირებისა და განათლების უწყვეტობის შესაძლებლობის პირობით;

5. პროფესიული სტუდენტი ვალდებულია ხელშეკრულების ხელმოწერამდე და ხელმოწერის შემდეგ გაეცნოს ამ ხელშეკრულების შემადგენელ ნაწილად მითითებულ დოკუმენტებს; ამ ხელშეკრულებით შეთანხმებული წესით და ვადებში გადაიხადოს სწავლის საფასური; გაუფრთხილდეს სასწავლო უნივერსიტეტის ქონებას; შეასრულოს საგანმანათლებლო პროგრამის მოთხოვნები; გაეცნოს სასწავლო უნივერსიტეტის ოფიციალურ ვებგვერდზე/საინფორმაციო დაფაზე განთავსებულ ინფორმაციას; შეასრულოს/დაიცავს სასწავლო უნივერსიტეტში მოქმედი შინაგანაწესი, სასწავლო პროცესის მარეგულირებელი დებულება, ეთიკის კოდექსი, ქვეყნის წესები და შიდასაუნივერსიტეტო სამართლებრივი აქტებით გათვალისწინებული მოთხოვნები; სრულად და ჯეროვანად შეასრულოს ამ ხელშეკრულების პირობები;

6. პროფესიული სტუდენტი უფლებამოსილია მოსთხოვოს სასწავლო უნივერსიტეტს ამ ხელშეკრულებით ნაკისრი ვალდებულებების სრული და ჯეროვანი შესრულება; პერსონალური მონაცემების დაცვა საქართველოს მოქმედი კანონმდებლობის შესაბამისად; განათლების მისაღებად აუცილებელი პირობების (სათანადოდ და საგანმანათლებლო პროგრამის მოთხოვნათა შესაბამისად სასწავლო პროცესის განხორციელება, პროგრამის შესაბამისი ადამიანური და მატერიალური რესურსებით უზრუნველყოფა, სასწავლო უნივერსიტეტის მატერიალურ-ტექნიკური ბაზა, ბიბლიოთეკის ფონდები, საინფორმაციო და სხვა საშუალებები და სხვ.) შექმნა; კვალიფიციური მომსახურების მიღება; პროფესიული სტუდენტის უფლებების დაცვა; თანასწორ პირობებში სასწავლო უნივერსიტეტის მატერიალურ-ტექნიკური ბაზით სარგებლობის და სასწავლო უნივერსიტეტის ღონისძიებებში/პროექტებში/სხვ. მონაწილეობის უფლების უზრუნველყოფა; სასწავლო პროცესთან, საგანმ-

ნათლებლო პროგრამის განხორციელებასთან და პროფესიული სტუდენტის სტატუსთან დაკავშირებული ინფორმაციის ხელმისაწვდომობის და საჯაროობის უზრუნველყოფა, მათ შორის ამ ხელშეკრულების შემადგენელ ნაწილად მითითებულ და სხვა შიდასაუნივერსიტეტო აქტებში ცვლილებების შეტანის შემთხვევაში. პროფესიულ სტუდენტს უფლება აქვს უარყოფითი შეფასების „Fx“ მიღების შემთხვევაში გავიდეს დამატებით გამოცდაზე/დაცვაზე, უარყოფითი „F“ შეფასების შემთხვევაში კი ახლიდან შეისწავლოს სასწავლო კურსი/პროგრამის კომპონენტი (თვითდაფინანსებით, კრედიტების რაოდენობის შესაბამისად), ისარგებლოს მობილობის უფლებით, შეიჩეროს, აღადგინოს ან შეიწყვიტოს სტუდენტის სტატუსი, საგანმანათლებლო პროგრამის შეცვლის/გააუქმების შემთხვევაში მოითხოვოს წინასწარი ინფორმირების და განათლების უწყვეტობის შესაძლებლობის უზრუნველყოფა სასწავლო უნივერსიტეტში მოქმედი წესის დაცვით;

7. 201\_\_\_\_\_ - 20\_\_\_\_\_ სასწავლო წელს ამ ხელშეკრულებაში მითითებულ საგანმანათლებლო პროგრამაზე ჩარიცხული პროფესიული სტუდენტებისთვის სწავლის საფასური განისაზღვრება: \_\_\_\_\_ (\_\_\_\_\_) ლარით. სწავლის საფასურის გადახდა ხდება არაუგვიანეს ადმინისტრაციული (პირველადი/სემესტრული) რეგისტრაციის ვადისა. თუ პროფესიულ სტუდენტს მიღებული აქვს დოკუმენტურად დადასტურებული გრანტი/დაფინანსება, მაშინ გადასახდელი თანხა გამოითვლება სწავლის საფასურიდან გრანტი/დაფინანსების შესაბამისი თანხის გამოკლებით. ამ ხელშეკრულებით შეთანხმებული სწავლის საფასური უცვლელია და არ გაიზარდება საგანმანათლებლო პროგრამაზე დადგენილ ვადაში სწავლის განმავლობაში. ჩარიცხვის წელს დადგენილი სწავლის საფასურის ცალმხრივად გაზრდა შესაძლებელია მხოლოდ გარემოებების არსებითი ცვლილების დროს, რაც დგინდება საქართველოს მთავრობის დადგენილებით;

6. პროფესიული სტუდენტის სტატუსის შეჩერების შემთხვევაში სასწავლო უნივერსიტეტსა და პროფესიულ სტუდენტს შორის დადებული ხელშეკრულების მოქმედება შეჩერებულია, სასწავლო უნივერსიტეტში პროფესიული სტუდენტის სტატუსის აღდგენის შემთხვევაში პროფესიული სტუდენტი სწავლას აგრძელებს ამ ხელშეკრულებით გათვალისწინებული პირობებით, ფინანსური ვალდებულების შეუსრულებლობის გამო სასწავლო უნივერსიტეტში სტატუსშეჩერებული პროფესიული სტუდენტისთვის სტატუსის აღდგენის აუცილებელი პირობაა სტატუსის შეჩერებამდე არსებული ფინანსური ვალდებულებების შესრულება/დავალაინების დაფარვა. ამ ხელშეკრულების შეწყვეტას იწვევს პროფესიული სტუდენტის სტატუსის შეწყვეტა, შიდამობილობით სასწავლო უნივერსიტეტის სხვა საგანმანათლებლო პროგრამით სწავლის გაგრძელება, სასწავლო უნივერსიტეტის ლიკვიდაციის წარმოების დაწყება ან სასწავლო უნივერსიტეტისთვის საგანმანათლებლო საქმიანობის უფლების (ავტორიზაციის) გაუქმება;

8. ხელშეკრულების ხელმოწერით ხელშეკრულების მხარეები თანხმდებიან მის შინაარსზე. არასრულწლოვანი პროფესიული სტუდენტის შემთხვევაში ხელშეკრულებას ხელს აწერს მისი კანონიერი წარმომადგენელი;

9. ხელშეკრულებაზე ხელის მოწერით პროფესიული სტუდენტი ადასტურებს, რომ: ა) ამ ხელშეკრულების დადებამდე სასწავლო უნივერსიტეტმა უზრუნველყო მისთვის ყველა იმ დოკუმენტის გაცნობა, რომელიც წარმოადგენს წინამდებარე ხელშეკრულების შემადგენელ ნაწილს; ბ) მისთვის ცნობილია პროფესიული საგანმანათლებლო პროგრამის მოცულობა კრედიტებში, პროგრამის მოთხოვნები, სწავლის ხანგრძლივობა, კვალიფიკაციის მინიჭების პირობა, გ) თანახმაა სასწავლო უნივერსიტეტმა დაამუშაოს მისი პერსონალური მონაცემები მოქმედი კანონმდებლობის დაცვით, ინფორმაცია მისი ვინაობის შესახებ განათავსოს ვებ-გვერდზე, ოფიციალური დოკუმენტაციის შედგენისას და რეესტრის წარმოებისას მიუთითოს სწავლასთან, პროფესიული სტუდენტის სტატუსთან და პირად მონაცემებთან დაკავშირებული სხვ. ინფორმაცია (პირადი და პირადობის დამადასტურებელი დოკუმენტის ნომერი, დაბადების თარიღი, მისამართი, საკონტაქტო ტელეფონის ნომერი, ელ. ფოსტა, განათლების დამადასტურებელი დოკუმენტის და ხელშეკრულების ასლები და სხვ.); დ) მისთვის ცნობილია სასწავლო უნივერსიტეტის ტერიტორიაზე და შენობა-ნაგებობებში (გარდა სამედიცინო დახმარების პუნქტის, სამუშაო, გამოსაცვლელი და ჰიგიენისთვის განკუთვნილი ფართისა) წესრიგის, უსაფრთხოების, სიცოცხლისა და ჯანმრთელობის დაცვის მიზნით ვიდეოკონტროლის მოწყობილობების გამოყენების შესახებ; ე) თანახმაა ამ ხელშეკრულებაში მითითებულ ელ.ფოსტაზე გაგზავნილი შეტყობინება ჩაითვალოს ოფიციალურ შეტყობინებად, იღებს ვალდებულებას ცვლილებების შემთხვევაში დაუყოვნებლივ შეატყობინოს სასწავლო უნივერსიტეტს ელ.ფოსტის ახალი მისამართი;

10. ხელშეკრულების მხარეთა შორის სადავო საკითხები გვარდება შეთანხმებით. თუ შეთანხმება ვერ იქნა მიღწეული, მაშინ დავა განიხილება სასამართლოში საქართველოს კანონმდებლობის შესაბამისად. ყველა ურთიერთობა, რომელიც არ არის მოწესრიგებული ამ ხელშეკრულებით და სასწავლო უნივერსიტეტში მოქმედი დებულებებით/წესებით, რეგულირდება საქართველოს მოქმედი კანონმდებლობით;

11. თუ ხელშეკრულების რომელიმე მუხლი აღმოჩნდება ბათილი, ეს არ გამოიწვევს მთლიანად ხელშეკრულების ბათილობას. ხელშეკრულებაში ყოველგვარი ცვლილებებისა და დამატებების შეტანა დასაშვებია მხოლოდ მხარეთა წერილობითი შეთანხმებით. ძალაში შესული ცვლილებები წარმოადგენს ხელშეკრულების შემადგენელ ნაწილს. ამ ხელშეკრულების პირობების შეცვლა, რომელიც განპირობებულია კანონმდებლობის ცვლილებით, არ საჭიროებს პროფესიული სტუდენტის თანხმობას;

12. ხელშეკრულება შედგენილია ქართულ ენაზე, ორ გვერდად. თანაბარი ოურიდიული ძალის მქონე ორ ეგზემპლარად, თითო ეგზემპლარი გადაეცემა მხარეებს. ხელშეკრულება ძალაშია შედის მხარეთა მიერ ხელშეკრულების ხელმოწერისთანავე და მოქმედებს საგანმანათლებლო პროგრამით განსაზღვრული სწავლების მთელი დროის განმავლობაში ამ ხელშეკრულებით შეთანხმებული პირობების გათვალისწინებით.

### მხარეთა რეკვიზიტები და ხელმოწერები

#### „სასწავლო უნივერსიტეტი“

შპს „ბათუმის ნავიგაციის სასწავლო უნივერსიტეტი“  
საიდენტიფიკაციო კოდი: 245433623  
მისამართი: აჟარა, მახინჯაური, თამარ მეფის გამზირი №38  
საკონტაქტო ტელ.: 0422292525  
ელ.ფოსტა: [info@bntu.edu.ge](mailto:info@bntu.edu.ge) ვებგვერდი: [www.bntu.edu.ge](http://www.bntu.edu.ge)  
რექტორი: პარმენ ხვედელიძე  
ხელმოწერა \_\_\_\_\_

#### „პროფესიული სტუდენტი“

სახელი, გვარი: \_\_\_\_\_  
პირადი №: \_\_\_\_\_  
პირადობის მოწმობის № \_\_\_\_\_  
მისამართი: \_\_\_\_\_  
საკონტაქტო ტელ.: \_\_\_\_\_  
ელ.ფოსტა: \_\_\_\_\_  
ხელმოწერა \_\_\_\_\_

ბ. ა.

#### კანონიერი წარმომადგენელი

სახელი, გვარი: \_\_\_\_\_  
პირადი №: \_\_\_\_\_  
მისამართი: \_\_\_\_\_  
საკონტაქტო ტელ.: \_\_\_\_\_  
ხელმოწერა \_\_\_\_\_